

山
東
通
志

(七)



子部

周秦之際諸子爭鳴史遷所記談天衍靡龍夷炙數過髡皆雜學也而皆出於齊其間宗孔氏崇仁義貴王賤霸者子與氏一人而已自漢氏罷黜百家而唐宋以來大抵以經義詞賦取士於是儒學盛而諸子之學漸微然鄭康成漢之經師而圖算星歷律令緯候之學無所不通呂才唐之儒臣而陰陽戰陣之奇醫藥形相之祕皆博觀而精其術發覆而窮其弊蓋豪傑之士固不困於利祿之途班志謂齊地好經術闊達而足智者豈不信哉 國朝尊崇正學遠邁前代通儒如張爾岐薛鳳祚雖旁綜九流探幽鉤奧然其學皆篤信謹守無離經叛道之嫌若夫直齋劉氏闡紫陽之傳韓夢周闡循環之徒起而繼之雖間指姚江末流之失要以躬行實踐為歸而無門戶忿爭之習蓋齊學於是乎大純而鄒魯之化所被者遠矣謹撮舉概略著之篇覽者亦可藉以考學術之變遷云

儒家

孔子家語二十七卷 漢志入論語家顏師古注云非今所有家語海甯陳頤家語疏證序云唐書藝文志王肅注家語十卷其即師古所言今所有歟

曾子十八篇 漢志著錄曾子名參字子與南武城人孔子弟子濟甯志藝文依漢志標目注云隋志二卷目一卷唐志宋志崇

文總自見志並二卷見云凡十篇視漢亡八篇視隋亡目二篇其書已見大戴禮宋范曄序略曰書述孝弟陰陽之說與齊魯論家語禮記等書相出入班志有十八篇今其存者十篇而已不知餘八篇為何等語而脫亡於何時隋書錄二卷與今本同意其亡於魏晉之間也書錄解題十卷亦十篇楊簡注蓋每篇為一卷也又有宋汪晫輯本一卷凡十篇今 四庫著錄即其本頗譏其割裂武斷以其猶存先賢佚文緒論故過而存之

子思子二十三篇 漢志著錄注云名伋孔子孫為魯經公師漢志攷證云隋唐志子思子七卷沈約謂禮記中庸表記坊記緇衣皆取子思子文還注引子思子民以君為心君以民為體又引詩云昔吾有先正其言明且清國家以甯都邑以成初學記引東戶季子之時道上雁行而不拾遺耕耜餘糧宿諸畝首

今有一編本乃取子思子之書按御覽三百八十六引子思子曰中行穆伯手捕虎又五百六十五引子思子曰繁於樂者重於憂厚於味者薄於行君子同則有樂異則有禮

漆雕子十二篇 漢志著錄注云孔子弟子漆雕啟後王先謙漢書補注云官本作十三篇王氏漢志攷作十二與汲古本台馬國翰有輯本一卷其序云陶潛聖賢羣輔錄云漆雕氏傳禮為道為恭儉莊敬之儒蓋孔子以禮傳開闢之後世習其學因述開言以成此書猶公羊之以春秋紹代也其書隋唐志均不著目佚已久攷韓非子引漆雕之議王充論衡稱其言性又家語載孔子問漆雕憑一節說苑亦載之作漆雕馬人意者憑名馬

人其字以孔子欽美其言而稱爲漆雕氏之子或卽著書之人與並據輯錄其說不色撓不目逃行曲則違於威獲行直則怒於諸侯與孟子述北宮黝之養勇曾子謂子襄自反而縮語意吻合至言人性有善有惡與宓子世碩公孫尼同旨

宓子十六篇 漢志著錄宓子名不齊字子賤魯人孔子弟子爲單父宰沈欽韓云論衡本性篇宓子賤漆雕公孫尼子之徒亦論情性與世子相出入馬國翰有輯本一卷其序云家語及韓非子時引佚說彼此互有同異記單父治績爲多

芋子十八篇 漢志著錄注云名嬰齊人顏師古曰芋音弭按王念孫讀書雜誌云史記孟子荀卿傳逆有尸子長廣阿之吁子爲索隱曰吁音芋別錄作芋子今吁亦如字正義藝文志芋子十八篇顏云音弭案是齊人阿又屬齊恐顏誤也案正義說是也手有吁音故別錄作芋子史記作吁子作芋者字之誤耳

周史六弢六篇 漢志著錄注云惠襄之間或曰顯王時或曰孔子問焉顏師古注云卽今之六韜也蓋言取天下及軍旅之事弢字與韜同也漢志攷證云莊子女商曰從說之則以金版六弢今六韜六卷六十篇尙書正義以爲後人所作非實事也館閣書目謂周史六弢恐別是一書按今六韜六卷 四庫全書入兵家簡明目錄云舊本題周呂望撰其文義不類三代蓋因莊子金版六弢之語而附會成書然陸德明莊子釋文謂太公六韜文武虎豹龍犬也則其僞在陳隋以前矣

調言十一篇 漢志著錄注云不知作者陳人君法度顏師古注

曰說者引孔子家語云孔穿所造非也馬國翰有輯本一卷其序云案家語後序云子直生高名穿亦著儒家語十二篇名曰調言集韻去聲二十九換調諫三字並列注云詆調諫言相被也或从闌从東然則調與調通加草者隸古之別也書名既同並稱儒家且以孔叢子所載子高之言觀之其答信陵君祈勝之禮對魏王人主所以爲患及古之善爲國至於無訟之間又與齊君論車裂之刑所言皆人君法度事則調言審爲穿書矣班固云不知作者蓋劉向較定七略時孔叢子晦而未顯漢志本諸七略無從取證東漢季孔叢子顯出故王肅注家語據以爲說魏晉儒者遂據肅說以解漢志在當日實有攷見不知顏監何以斷其非也茲卽從孔叢子錄出凡三篇依舊說題周孔穿撰又案漢書注校補云壽昌按馬說甚辨而所錄則未敢據顏云非孔穿所造者亦以王肅僞造之家語未足信也

公孫固一篇 漢志著錄史記十二諸侯年表及如荀卿孟子公孫固韓非之徒各往往摺據春秋之文以著書索隱云宋有公孫固無所述此固蓋齊人韓固傳詩者也漢志注云十八章齊閔王失國問之固因爲陳古今成敗也

魯仲連子十四篇 漢志著錄仲連齊人不仕隋志魯連子五卷錄一卷唐志一卷今佚馬國翰有輯本一卷其序云戰國策載其六篇其卻秦軍說燕將二篇史記亦載之文句不同參互校訂又搜探意林御覽等書得佚文二十五節合錄一卷指意在於勢數未能純粹合聖賢之義然高才遠致讀其書想見其爲

人矣 以上周

孔叢子三卷

文淵閣著錄

四庫提要曰舊本題曰孔鮒撰

所載仲尼而下子上子高子順之言行凡二十一篇又以孔臧

所著賦與書上下二篇附綴於末別名曰連叢鮒字子魚孔子

八世孫仕陳涉爲博士臧高祖功臣孔叢之子嗣爵蓼侯武帝

時官太常其書文獻通考作七卷今本三卷不知何人所併朱

子語類謂孔叢子文氣輕弱不似西漢文字蓋其後人集先世

遺文而成之者隋書經籍志論語家有孔叢七卷注曰陳勝博

士孔鮒撰其序錄稱孔叢家語並孔氏所傳仲尼之旨則其書

出於唐以前然家語出王肅依託隋志既誤以爲真則所云出

孔氏所傳者亦未爲確證朱子所疑蓋非無見其中第十一篇

卽世所傳小爾雅注疏家往往引之然皆在晉宋以後惟公羊傳疏所引賈逵之說謂俗儒以六兩爲鈞正出此書然謂之俗儒則非漢藝文志之小爾雅矣又水經注引孔叢子曰夫子墓塋方一里在魯城北六里泗水上諸孔邱封五十餘所人名昭穆不可復識有銘碑三所歐陽俱存云云今本無此文似非完帙然其文與全書不類且不似孔氏子孫語或卽道元誤證抑或傳寫有譌以他書誤題孔叢歟

此三事

太常蓼侯孔臧十篇 漢志著錄臧孔子十一世孫父衆高祖時

以功封蓼侯臧嗣爵孔叢連叢子云臧歷位九卿還御史大夫

辭曰世以經學爲家乞爲太常與安國紀綱古訓遂拜太常禮

賜如三公著書十篇周壽昌漢書注校補云宋晁公武讀書雜

志云漢孔臧以所著賦與書謂之連叢附於孔叢子之後壽昌

考孔叢子漢初未出至東漢末始有其書則臧書之名連叢疑

後人僞託也然其書名已載入宋中興館閣書目及宋人邯鄲

書目通考玉海俱引之

兒寬九篇 漢志著錄寬子乘人治尙書以郡國選詣博士官至

御史大夫馬國翰取本傳對封禪及律歷志正朔之議輯爲一

卷其序云茅鹿門曰封禪一事相如導之始而兒寬成之終君

臣上下各以諂附此亦責備賢者之義然其文訓辭深厚油然

見經籍之光宜梁相楮大與議而服其莫及而兼總條貫之言

紫陽取之以注孟也

公孫宏十篇 漢志著錄宏字子卿菑川薛人武帝元光五年以

賢良對策擢第一官至丞相封平津侯馬國翰有輯本一卷其

序云公孫宏十篇今不傳本傳載其對策上疏對問之語藝文

類聚太平御覽亦引之並據輯錄其言論通達治體不盡曲學

以阿世班固入其書於儒家非無見也

終軍八篇 漢志著錄軍字子雲濟南人年十八爲博士弟子官

至諫大夫其書見本傳者四篇餘皆散佚馬國翰輯爲一卷序

曰白麟奇木之對不無傳會胡越內附言亦幸中然其文若不

經意而音節自諧宜林希元歎爲天與之奇才而惜其壽之不永哉

忠經一卷 四庫存目提要曰舊本題漢馬融撰鄭玄注其文

擬孝經爲十八章經與注如出一手考融所述作具載漢書本傳玄所訓釋載於鄭志目錄尤詳孝經注依託於玄劉知幾尙

設十二論以辨之其文具載唐會要局有所謂忠經注哉隋志唐志皆不著錄崇文總目始列其名其爲宋代偽書殆無疑義

玉海引宋兩朝志載有海鵬忠經然則此書本有撰人原非贋造後人詐題馬鄭掩其本名轉使真本變僞耳

仲長子昌言十二卷錄一卷 仲長統撰統有山陽先賢傳見史

部傳記類後漢書本傳云統每論說古今及時俗行事恆發憤歎息因著論名曰昌言凡三十四篇十餘萬言其書隋志入雜

家唐志十卷入儒家今據馬國翰說依唐志入儒家仍依隋志

題卷國翰有輯本二卷序云其書散佚惟本傳載其理亂損益法誠三篇明胡繼新西京遺編刊之爲一卷今更蒐補殘遺分

爲上下二卷其言時事切中利弊譚熙伯以董賈劉揚擬之洵非溢美合依唐志入儒家爲

徐氏中論二卷 徐幹撰幹字偉長北海劇人建安中爲司空軍

謀祭酒掾屬五官將文學是書 文淵閣著錄 四庫提要曰是書隋唐志皆作六卷隋志又注梁曰一卷崇文總目亦作六

卷而晁公武讀書志陳振孫書錄解題並作二卷與今本合則宋人所併矣書凡二十篇大都闡發義理原本經訓而歸之於

聖賢之道故前史列之儒家晉羣校書序云始見館閣中論二

十篇及觀貞觀政要太宗稱嘗見幹中論復三年喪篇今書獨闕又考之魏志文帝稱幹中論二十餘篇乃知館閣本非全書

而晁公武又稱李獻民所見別本實有復三年制役二篇李獻民者李淑之字嘗撰邯鄲書目者也是其書在宋仁宗時尚未

盡殘闕羣特據館閣不全本著之於錄相沿沿既久所謂別本者不可復見於是二篇遂佚不存又書前有原序一篇不題名字

陳振孫以爲幹同時人所作今驗其文頗類漢人體格知振孫所言爲不誣惟魏志稱幹卒於建安二十二年而序乃作於二

十三年與史頗異傳寫必有一譌今已莫考其孰是矣 以上

漢

諸葛武侯集誠二卷 諸葛亮撰亮有漢書音見史部正史類是

書見隋志及舊唐志 蜀漢

去伐論集三卷 王粲撰粲有尙書注釋問見經部書類馬國翰

袁宏去伐論輯本序云隋志儒家王子正論十卷下云梁有去伐論集三卷王粲撰亡唐志復載王粲去伐論集三卷今佚攷

藝文類聚去伐論一篇題晉袁宏書名同而撰人異按隋唐志均無宏撰去伐論之目以題稱去伐集釋之當是王粲著論後

人多有擬議一併附入猶王子雍作聖證論而有馬昭孔晃張融等說隋志止題王肅撰亦其例也然無明據姑依所引題宏

名取以補仲宣之遺書焉

孔子家語注十卷 王肅撰肅有周易注十卷見經部易類是書

文淵閣著錄 四庫提要曰王柏家語考曰四十四篇之家

語乃王肅自取左傳國語荀孟二戴記割裂織成之孔衍之序亦王肅自爲也獨史繩祖學齋佔畢曰大戴一書雖列之十四經然其書大抵雜取家語之書分析而爲篇目其公冠篇載成王冠祝辭內有先帝及陛下字周初豈曾有此家語止稱王字當以家語爲正云云今考陛下離顯先帝之光曜已下篇內已明云孝昭冠辭繩祖誤連爲祝雍之言殊未之考蓋王肅襲取公冠篇爲冠頌已誤合孝昭冠辭於成王冠辭故刪去陛下字竄王字家語襲大戴非大戴襲家語就此一條亦其明證其割裂他書亦往往類此反覆考證其出於肅手無疑特其流傳已久且遺文軼事往往多見於其中故自唐以來知其僞而不能廢也其書至明代傳本頗稀故何孟春所注家語自云未見肅本王鑒震澤長語亦稱家語今本爲近世妄庸所刪削惟有王肅注者今本所無多具焉則亦僅見之也明代所傳凡二本閩徐煥家本中缺二十餘頁海虞毛晉家本稍異而首尾完全今徐本不知存佚此本則毛晉所校刊較之坊刻猶爲近古者矣

王子正論十卷 王肅撰見隋志唐志卷同馬國翰以魏志肅本傳所載對帝及司馬宣王語及晉書禮志通典太平御覽所引肅議禮之文卽此編佚說輯爲一卷

新書五卷 王基撰基有毛詩駁見經部詩類是書見隋志注

以上魏

善文 華廙撰廙字長駿平原高唐人歷官中書監加侍中尙書

令晉書本傳云廙柄運家巷垂十載教誨子孫講誦經典集經書要事名曰善文行於世

成敗志三卷 孫毓撰毓有毛詩異同評十卷見經部詩類是書見隋志注吳騫尖陽叢筆云成敗志三卷今不傳馬總意林存其二條云水性雖能流不導則不通人性雖智不教則不達學猶殖也不學將落又云密者天地之際會成敗之機要故陰陽不密則寒暑不能以成歲棟宇不密則九層不可以庇身馬國翰輯此二條又增以通典所引毓奏議二條合爲一卷其序云書以成敗立名蓋欲昭法戒以訓世也取其論冠服二條以與成人之義有關也 以上晉

正論十五卷 儲光義撰光義兗州人開元十四年進士官監察御史是書見新唐志

六經法言二十卷 路隋撰隋有憲宗實錄見史部編年類舊唐書本傳云採三代皇王興衰著六經法言二十卷奏之又新唐書韋處厚傳處厚以帝沖怠不向學卽與路隋合易書詩春秋禮孝經論語撮其粹要爲六經法言二十篇上之帝稱善並賜金幣 以上唐

太平書十卷 王敏撰敏字待問單州金鄉人第進士仕漢爲留守判官入周終司農卿是書見宋志 五代

唐君臣正論二十五卷 張昭撰昭有唐書見史部正史類是書見昭本傳

理道評十二篇 戚綸撰綸有禮部韻略見經部小學類宋史本

傳載是書云錢若水王禹偁深所賞重

鯁子一卷 趙鄰幾撰鄰幾有會昌以來日歷見史部編年類是書見宋志

中說解十卷 龔鼎臣撰鼎臣有周易補注見經部易類是書見宋志

山東野錄七篇 賈同撰同有諫書見史部詔令奏議類灑水燕談云臨淄賈公疎先生以著書扶道爲己任著山東野錄七篇類孟子

儒言一卷 晁說之撰說之有古易見經部易類是書 文淵閣

著錄 四庫提要曰是書已編入景迂生集然晁公武讀書志

已別著錄蓋當時亦集外別行也公武以是書爲辨王安石學

術違僻而作今觀所論大抵新經義及字說居多而託始於安

石之廢春秋公武所言良信然序稱作於元貳執徐實徽宗政

和二年壬辰在崇甯二年安石配享孔子後故其中孔孟一條

名聖一條祀聖一條皆直斥其事則實與紹述之徒辨非但與

安石辨也又不奪一條心迹一條及流品以下凡數條并斥安

石之居心行事亦非但爲學術辨也當紹述之說盛行而侃侃

不撓誠不愧儒者之言

明本釋三卷 劉荀撰荀有亂華編見史部雜史類是書 文淵

閣著錄 四庫提要曰是書乃其講學之語大旨謂致力當求

其本因舉切要者三十二條各爲標目而著論以發明之論所

不盡者又自爲之注中多稱引元祐諸人程門諸子及同時胡

宏張九成朱子之言持論頗醇正其文率詳明愷切務達其意

而止北宋諸名臣之言行出處亦附注焉蓋黨籍子孫尊其先

世之舊聞也其書在宋不甚顯至元明間始行於世楊士奇焦

竑皆作明本二卷劉荀撰然永樂大典所載實皆題曰明本釋

疑其書原名明本或後人因其注而增題釋字歟

涑洑言學 孔元龍撰元龍有柯山論語講義見經部四書類是

書見闕里文獻考 以上宋

習經三卷 孔拱撰拱有讀史見史部史評類是編見闕里文獻

考

五經疑問大學序解 梁宜撰宜字彥仲在平人第進士歷官禮

部尚書二書見縣志

小學標題駁論 蕭蚪撰蚪有三禮說見經部禮類是書見元史

本傳

輔治篇 李洄撰洄有經世大典見史部政書類元史本傳云洄

既爲帝所知遇乃著書曰輔治篇以進文宗嘉納之

志列三史藝文 以上元

驅妖僧書 劉溥撰溥有學庸通貫見經部四書類州志本傳云

其驅妖僧一書真正心修身之學

誠正錄一卷 張謨撰謨字大謀蒙陰人成化甲辰進士歷官廣

東參議是書見舊通志

小學集旨 石巍撰巍有周易集旨見經部易類是書見縣志

小學撮要六卷 王崇獻撰崇獻有禮記擇言見經部禮類是書

見明志

明道錄 殷雲霄撰雲霄字近夫號石川壽張人弘治乙丑進士
應官南京工科給事中是書見縣志

此書以縣志考於

大學衍義論斷 王道撰道有周易值見經部易類是編見經義

考

閑聖錄 馮持衡撰持衡在平人是書見府志

道脈說一卷 孟秋撰秋有戰國策略見史部雜史類是書見府

志就李姚思仁撰墓表載秋所著有二明一脈疑與此爲一書

編創明儒經義讀書管見 孟秋撰新安孟化鯉撰傳云嘉靖丁

亥春使衡藩便道入里撫臺李公訪及安平對談白宿寺凡三

日且請編創明儒經義刻廟以傳戊子還京再取孔孟書讀之

隨契隨筆名曰讀書管見

石泉識言三卷 王九成撰九成字舜夫號石泉即墨人嘉靖戊

子舉人官保定府同知是書見縣志採訪冊載周汝砥序云今

學士家尤喜言性命云而慧者咄之曰此夫丐藩者耳先生雅

不以道學名所論著多自證難河津餘姚猶然間發其遺而翼

其所未聞今試一窮其編則其印合性靈銓綜名物孕苞宇宙

扶剖彷彿而文淺而意蓋心精之鑿鑿豈直齒頰之便利乎

世安得與丐藩者同類而共嘗之

性說一卷 曹邦輔撰邦輔有三敗緣由見史部傳記類是書見

府志傳是樓書目載邦輔論性淵源一卷度即性說之異名

六子要 石琚撰琚有左傳章略見經部春秋類縣志載是書云
蓋取程朱諸儒之書而擇其精也

性命三編 許東望撰東望字應魯聊城人嘉靖戊戌進士應官

行太僕寺卿是書見府志

經筵經史直解六卷 殷士儋撰士儋有二千文見經部小學類

是書見經義考于慎行撰狀云穆廟開閣潛邸世皇精簡儒臣

輔導以公參講讀公念以經義事儲邸天下治忽係之每進講

必齋戒存誠實有所感動至君德治道所關或理亂興亡之際

及權奸女寵不憚危言激辭以動高聽穆廟天授聖明每奏一

篇輒敘容深納左右侍從聞公數陳亦無不洒然變色易容者

川上情舍講章一卷 殷士儋撰見傳是樓書目

克復編 楊錦撰錦有撫甘奏議見史部詔令奏議類是書見縣

志

百警編一卷 王之垣撰之垣有諫議疏稿見史部詔令奏議類

是編刊入正誼堂叢書江吳郭正域序略云今世談玄空者掃

躬行而靡顧聘權術者竟波蕩以忘歸先生此書有深思乎孔

聖之教大旨不外倫常科條不出言行忠恕謹信臨深履薄比

於今人皆庸德耳大聖誘人抑何兢兢也展誦此書約文學要

則鑒鑑可徵顧目書紳則戶牖不爽培其本如松柏之有心防

其逸如規矩之有度豈若夸毘之子詖淫之說聽其言詞蕩心

賊目綜其行事要駕詭聞也說

性理解 崔雲鶴撰雲鶴有禮記補注見經部禮類是書見州志

性命道德書 石嶽撰 嶽字瑞卿平原人是編見縣志藝文原注云 國初爲知縣崔掄奇取去不審已鈐板否

曾子全書三卷 四庫存目提要曰明曾承業編承業爲曾子

六十二代孫序稱博士蓋襲職之宗子案宋汪時賢輯曾子一

卷分十二篇割裂補綴已非唐以來之舊本是編又分主言一

篇爲卷一修身事父母制言上中下疾病天圓七篇爲卷二本

孝立孝大孝三篇爲卷三與王應麟玉海所云今十篇自修身

至天圓皆見於大戴禮者又多出主言一篇而分合迥異不知

其何所依據殆亦以意爲之也

太極圖解性命辨 襲助撰 助字克懋一字懋卿章邱人嘉靖間

歲貢歷官開平衛教授池北偶談云所著太極圖解性命辨劉

尙書白川稱爲朱元晦功臣王伯安諱友

訓子質疑 襲助撰見府志縣志作訓子集質疑集

過庭百訓 王三遷撰三遷有連山扶要見經部易類是書見府

志

六行圖說一卷 竇欽撰 欽有九老圖見史部傳記類縣志本傳

稱其令武陟時演祖宗之訓申以六行圖說褒崇節義以厚風

俗縣志藝文一卷

還樸心聲教言講餘錄 李汝桂撰 汝桂字少崖泰安人隆慶已

已歲貢歷官獻縣教諭總角時卽篤志聖賢之學聞陽明東廓

良知慎獨之旨刻苦敦行久之有悟與及門之士講太極中庸

等書往往發先賢所未發諸編見縣志

大學衍義補遺 官延澤撰 延澤字潤只號鑑洽平度人隆慶庚午舉人官隰州知州是書見縣志

家庭明訓聖室日鈔 李聯芳撰 聯芳字琴友博平人隆慶庚午

歲貢官昌樂教諭二書見府志

日言一卷 孔承倬撰 承倬有易經代言見經部易類 四庫存

目提要曰是書乃承倬割記之文其學出於王守仁故以鐘柝

喻性明其本空又云朱晦翁中年學尙未悟至晚年則甚悔今

人不於悟處用工卻於悔處執迷惑矣是卽守仁晚年定論之

說也

四事諸教錄一卷 天人直指圖一卷 天理說一卷 孔承倬撰 見

闕里文獻考

日進劄記自警私課 馮子咸撰 子咸有讀禮鈔見經

部禮類二書見縣志

養正圖解全卷 焦竑撰 竑有易筌見經部易類 四庫未收書

目提要曰是編見黃虞稷千頃堂書目萬歷間竑以修撰爲皇

子講官編此進之書中備採前言往行可爲則倣者繪之於圖

而詳爲之說卷首有竑自序及祝世祿序稱此書繪圖爲丁雲

鵬書解爲吳繼序並一時知名之士也

小學概括兒訓女箴 宋廷訓撰 廷訓有孝經詳解見經部孝經

類諸編見縣志

訓兒經 史載勳撰 載勳有二十一史紀略見史部史鈔類是編

見縣志

省身錄一卷 康不揚撰不揚有北臺疏草見史部詔令奏議類是書見府志

述言 楊洵撰洵字暉吉號崑源濟甯人萬歷壬辰進士歷官淮理學淵源時習要錄 宋兼撰兼有山紀事見史部地理類二編見縣志

日省撮要 王象晉撰象晉有字學快編見經部小學類是書見府志

訓兒義二卷學術辨一篇良知議一篇孟氏三事議一篇原性一篇原仁一篇 李若訥撰若訥字季重別號渤海臨邑人萬歷甲辰進士歷官羅定兵備參議諸編俱見萬庵集

思訓內外篇 趙思睿撰思睿有河洛圖解見經部易類是書見府志

蒙養初訓 王命新撰命新有汶上縣志見史部地理類是書見續修縣志

忠經注解 劉敕撰敕有孝經注解見經部孝經類是書見縣志大學衍義補刪定 薛近洙撰近洙有經學纂要見經部五經總義類縣志載是書云府志作刪補大學衍義

義蒙圖說二卷養蒙翼女訓 黃子粹撰子粹字尙白濟甯人曲阜籍萬歷間拔貢歷官吉安通判州志本傳云子粹以時人忽小學謂爲童子本始不正貽誤終身著養蒙圖說養蒙翼女訓行世其養蒙圖說州志藝文云雜綴引引非瑣言以爲黃子淳

作其孫祀雲侍御於康熙庚戌年題序祀雲名敬璣道甯子也而人物傳以爲子粹作原委極明或兄弟同作耶訓蒙要規家政序 戴敏學撰敏學濟甯人萬歷間選貢官青城訓導二書見州志

太極圖解 楊開先撰開先商河人萬歷間歲貢官慶元教諭是書見縣志

理學正宗邵堂心得語 周文耀撰文耀字臨甫號郁堂濟甯人諸生世襲都指揮歷任總兵官都督僉事二書見州志

蓮蓮通言家訓要語 王元復撰元復字見心歷城人萬歷中歲貢官平山教諭二書見府志

省身錄 姚良行撰良行字汝止號靜山鉅野人萬歷間貢生縣志載葛應斗撰墓志云時良知之說盛行力闢其謬著四書參變省身錄等集發先儒所未發學者咸宗仰之

良知解格物致知說 王翼撰翼字冲翺在平人孫光祀撰傳云翼與張宏山曾孫心宏友善相與表章緒論所著良知解格物致知諸說與饒雙峰真西山相表裏

讀書約 朱純撰純有四書存慧見經部四書類是書見縣志朱子簡錄 王都撰都有扶鼎名臣錄見史部傳記類是書州志本傳作朱子漫錄茲依州志藝文標目

證悟編 趙彬然撰彬然有證經編見經部五經總義類是書見葉廷秀所撰傳傳云悟編云人存惻隱之心便與天地之心一般萬事差錯皆由於心不敬格物乃大學下手實地心不思量

山東通志 卷百三十五 藝文志第十 子部

義理便無所管攝欲見本心須先治其蓋吾心者曾子得聞一貫之旨從三省吾身來薛敬軒首以白鹿洞學規開示學者乃聖門之真嫡派子深取其要言著裏

人道治道二册 趙樹然撰見葉廷秀所撰傳

偶言四卷 葉廷秀撰廷秀有孝經注見經部孝經類是書見府志

志

消閒錄十卷 成勇撰勇有程易發見經部易類 四庫存目提要曰是編乃其講學之語皆彙輯諸儒論說而發明以己意史

稱勇初授饒州府推官謁鄒元標於吉水從之受業故多傳其緒論云

西銘解崑崙洞語錄 成勇撰一書見縣志

先正格言 王鑑編錄字玉簡泰安人崇禎戊辰選貢是編見縣志

刪纂宋六子書 楊士聰撰士聰有申申核真略見史部雜史類是書見州志

偏強編偶覺錄陋室放言 黃中 撰中理字純卿濟甯人諸生

三書見州志

性學闡異質言編 潘好儉撰好儉有大易卦變見經部易類二

書見州志

小學集注 趙時雍撰時雍有孝經集注見經部孝經類是書見州志

仁義辨 張經撰經有論語中庸亦說見經部四書類是編見縣

志

讀書錄三册 黃登儒撰登儒字虞門聊城人宛平籍崇禎己卯副貢官興安同知是書見府志

文貞遺書一卷 王曦如撰曦如字御赤卽墨人諸生甲申國變

奉母避海上母卒遂自經死鄉諡文貞縣志載是書並載徐炯

序云所撰有事親略儀首列蓼莪之篇次取古之善事親者以

爲法國變後著我師篇采文丞相之事述詩歌及謝疊山之卻

聘書而終以夫子之所以賢夷齊者略爲評論以見致命遂志

之意其雜著有復性四法甲申備言名子說訓子讀小學說臨

終有壁上遺言及訓戒妻子語而未復自列其罪案恨爲學之

不早今方欲努力而又死讀之使人流涕

太極圖明解 邢王佐撰王佐有詩經詳訓見經部詩類是書見

縣志 以上明

儉戚說 鄭與僑撰與僑有蒙難偶記見史部傳記類是編見州

志

弟子職注一卷 張爾岐撰爾岐有周易說略見經部易類是書

見爾岐自敘墓誌據縣志載于堤敘乃爾岐長子孝寬所刊堤

序稱其考據精詳詮釋明備甚便學者

邵子節錄 張爾岐撰高庵集載是書序云有宋邵康節先生之

學主於數所著呈極經世書十二卷其十卷皆列圖以明數未

二卷則圖說也曰觀物篇其子伯溫又取學者所記爲觀物外

篇性理所載僅蔡氏纂圖指要愚每歎學如康節即使學者擁

其全書竭聰明心思之力如明道所云二十年功者不知加倍法竟當何似乃欲守茲梗概而冀測其涯際難矣獨是觀物寫天道物理人事經術先生之自得者實具於此誠吾人窮理修身之助因節錄之以資省覽於凡言數者則闕焉

近思錄四卷 劉源浚撰源浚有周易解評見經部易類 四

庫存目提要曰是書因朱子近思錄篇目採輯朱子或問語類文集分門編輯前有康熙辛巳其門人陳舜錫馬恆謙二序舜錫序稱其每祭朱子品物豐潔極其誠敬恆謙序稱其於朱子文集或問語類三書沈潛反覆編輯纂敘席不暇暖手不停筆凡三創草三脫藥乃成是書云 按是書有源浚五世孫莊年刻本板藏雲門書院光緒辛卯郡守劉景辰又補刊其闕佚凡十四卷馬恆謙序稱源浚之言曰錄手鈔五卷自作一函爲內篇其餘衆人所鈔者九卷亦作一函爲外篇云云則十四卷之本乃其自定不應別有四卷本 四庫標目四卷上蓋脫十字又提要所引陳舜錫敘云云今檢陳敘無之謹附識以備考

小學補注 劉源浚撰見府志

冷語三卷 劉源浚撰 四庫存目提要曰其門人馬恆謙編其

書仿語類之體大旨本朱子之說而衍之其三卷中一條詆劉安世爲邪人謂其害甚於章惇邢恕以其與伊川不協也然宋史具在安世盡言集亦具在果章惇邢恕之不若乎不問其人品之醜疵但以附合道學者爲正稍相齟齬者爲邪則蔡京之薦楊時當爲北宋第一正人矣佛家以敬信三寶與否定人之

罪福備者不當如是也

讀書日記六卷 劉源浚撰 四庫存目提要曰是編凡記疑五卷冷語一卷皆讀書劄記之言其記疑本二十四卷冷語本五卷後歸安陸師爲之刪定更以今名然冷語又有三卷一本蓋天下之至易作者莫如語錄偶逢紙筆即可成編故諸本錯出如是也

讀書日記補編二卷 劉源浚撰李澹後序云夢亭先生既謀刻直齋讀書日記又取記疑冷語原本覆之謂孫子樹本與澹曰是尚有漏義曾先生之言而可棄諸於是繼方選凶閔草土餘生荒迷失次與樹本再三商定謹錄如干則以質於先牛先生命並授梓

圖說管窺 張介臣撰蕞菴文集載是書序稱濕沃宗弟介臣臣名未詳濕沃爲今濱州蒲臺地而濱州蒲臺志皆不載其人序又稱就試禮部然其爲何科舉人亦不可考序云河洛卦位諸圖其說莫詳於邵朱兩先生學者於此因圖測象因象識意與僅索之語言文字間者富有異自良知機軸以後人始侈然敢以宋儒爲詬病舉業家愈趨便捷傳義且廢況有寓目於經世啟蒙諸篇者介臣所著圖說管窺伏讀累日見其槩括衆說申以己見稱言不煩而大義粲然私怪介臣方將揣摩簡練就試禮部而所業乃及此其於俗學有開矣

敦本堂約一卷 孫兆禧撰兆禧有永思錄見史部傳記類是書見縣志郭琇序云余嘗異先生之爲人取所著敦本堂約讀之

祀有佳歲有加婚喪有助讀書肄業者有資其爲嗣也有長有貳有勳有懋藹然而和凝然而肅若古大臣坐廟堂之上宏綱舉而衆目張也

日省錄四卷 邱石常撰石常字子廩號海石諸城人順治乙酉歲貢官夏津訓導遷高要知縣不赴採訪冊載是編云有邱氏家藏本

法言扶輿 艾元衡撰元衡字平子自號白雲居士元微弟以廕授上林苑監承是書見周新邦所撰白雲居士傳

養蒙集 史襄明撰襄明有史氏雜傳見史部傳記類是編見縣志

訓蒙大意 孫三錫撰三錫字懷萬一字悔庵樂安人諸生是書見縣志成勇序云余友孫君懷萬自束髮讀書惟程朱之學是務衆生徒以習教事教之以敦孝弟而崇禮讓曰無先文藝也教之以爲忠貞而重廉節曰無墮貪佞也教之以躬爲行而心爲得曰無釣虛譽騰口說也於爲做小學之遺法採先儒之格言名爲訓蒙大意余讀而善之曰是小學以後僅見之書也後之學者讀小學而併讀是書不苦於入聖無門矣卽未讀小學而專讀是書亦不苦於入聖無門矣

敬業三書大學衍義集要 韓國璽撰國璽有高士傳見史部傳記類二書見府志

身心圖說 陳明新撰明新萊蕪人順治辛卯舉人府志本傳云圖如人形復列八篇於圖之旁其持論多先儒所未發

藤陰劄記 孫承澤撰承澤有易宗見經部易類 四庫存目提要曰是編乃其講學之語共一百餘條大抵以程朱爲宗而深貶金谿姚江亦頗涉及史事其論元許衡劉因一條謂衡不對世祖伐宋之問爲是而以因作渡江賦有我有名而衆彼無義而小留我奉使歸我大邦云云過於尊元抑宋爲非不知二人生長北方由金入元皆非宋之臣子乃於一百餘年之後責其當尊遼不相關之趙氏可謂紕繆之至矣

五先生學約六卷 孫承澤撰見傳是樓書目

學約續編十四卷 孫承澤撰 四庫存目提要曰承澤嘗輯周張程朱之言爲學約一編是編又以明薛瑄胡居仁羅欽順高攀龍四家之語做近思錄之例訂爲一集以續之前有自記稱學約於二程同時不入堯夫考亭同時不入南軒東萊故茲編亦不入月川楓山後渠涇野念菴涇陽少墟諸家云

考正晚年定論 卷 孫承澤撰 四庫存目提要曰是書以王守仁所作朱子晚年定論不言晚年始於何年但取偶然謙抑之詞或隨問而答之語及早年與人之筆錄之特欲借朱子之言以攻朱子不足爲據乃取朱子年譜行狀文集語類等書詳爲考正以宋孝宗淳熙甲午爲始朱子是時年四十有五其後乃始與陸九淵兄弟相會以次逐年編輯實無一言合於陸氏亦無一字涉於自悔因逐條辨駁爲是編考晚年定論初出之時羅洪先致書守仁所辨何叔京黃直卿二書已極爲明晰是書特申而明之大旨固不出羅書之外至謂守仁立身居家並

無實學惟事智術謂乃吾道之莽鋸又取明世宗時請奪守仁封爵會勘疏及不准卹典之詔以爲口實則捭拾他事以快報仇之私尤門戶之見矣

明辨錄二卷 張彥士撰 四庫存目提要曰是書取諸儒嗣佛之言謂載於上卷首載昌黎原道及佛骨表而傳奕疏及太

宗謂昭轉列於後其餘辨論陸九淵楊簡王守仁之說者

倫及之下冊則皆諸儒語錄辨駁佛氏之學者

性理評纂 張吉士撰吉士有通鑑評纂見史部史評類是編見府志

小學彙解忠經注解 張彥士撰彥士有孝經注解見經部孝經

類二書見縣志

朱子語類纂十二卷 王鉞撰鉞有粵遊日記見史部傳記類

四庫全書提要曰是書世德堂遺書之第五種也取黎靖德所編朱子語類一百四十卷摘理氣鬼神性理論學四門餘皆不

取四門之外又各刪存大略而間附以己說如謂朱子謂理氣本無先後語原無病鉞必謂先有天地之理然後太極生兩儀

如其所說是理又別是一物可以生氣然則氣未生時理又安

在此主理太過之弊又如謂兩是鬱蒸之氣有時龍能爲之者

龍亦是鬱蒸之氣龜是不和之氣有時蜥蜴能爲之者蜥蜴亦

是不和之氣執一理以該天下之變不至於穿鑿附會不止矣

張子正蒙注 張岐撰岐有春秋四傳折衷見經部春秋類是編見州志

自箴錄一卷 傅詠撰詠字元聲高密人康熙庚戌進士歷官香

河知縣是書見縣志採訪冊載詠弟試序云自箴錄者吾兄淡

成先生於朝夕循省默驗之餘凡有所得卽爲書記以自箴者

也不揣固陋倣古人義例分門別類另爲編次以便觀感

性理注 張禮撰禮有大象傳解見經部易類州志云禮學問淵

博通歷法精易數嘗注性理以訓生徒

朱陸異同或問 范明徵撰明徵有四書合發見經部四書類王

士禎撰傳云近日學者率爾訖陽明且波及象山先生憤之作

正命錄 劉以貴撰以貴有周易析疑見經部易類是編見以貴

裔孫掄升鈔送書目

白鹿洞規義疏謹言訓 張敦仁撰敦仁有胸臆著舊傳見史部

傳記類二書見縣志藝文注云雜采經史及各家語錄擇其精

要薈爲此編間附論說並有理致內有與品禍夫共立條目十

二大都勉爲忠厚戒所易犯禍夫名蘊瑣殆亦束脩自好者

小學便覽 王元雅撰元雅字子文安邱人康熙癸酉歲貢官利

津訓導是書見府志

吾道薪傳 任愷撰愷字六息掖縣人康熙庚辰歲貢官嘉祥訓

導是書縣志本傳作吾道心傳茲依縣志著述標目

書院口授講義 趙國麟撰國麟有學庸因知錄見經部四書類

其爲福建巡撫時詣道峰書院爲諸生陳說經義時錢塘陳兆崙爲山長在坐退謂人曰古云一夕話勝讀書十年今侍趙公坐一日抵十年養氣人以爲篤論

王氏極謬金村講義 傅米石撰米石有史學綱領見史部史鈔類二書見山左詩鈔所引練溪先生傳

太極圖說辨一卷 張重弼撰重弼字梅舟掖縣人博學強識究心太極通書是編見縣志

知非錄一卷 鄧鍾岳撰鍾岳字東長號悔庵聊城人康熙辛丑進士第一愿官禮部左侍郎 四庫存目提要曰是編蓋其晚年講學所記故取蘧伯玉事爲名猶其自號悔庵之意也

太極答問一卷女訓一卷 劉汝撰汝字魯田洪弟康熙丁卯舉人二書見王元啟濟甯圖記太極答問州志作太極圖說二卷又濟甯圖記云汝年二十五絕意仕進慨然有求道之志遂盡棄所學返而求之六經著原命原性及誠者聖人之本無極而太極皆自成一子

陳言一卷 劉汝撰王元啟濟甯圖記本傳云 世宗潛藩時特見優禮每多咨詢嘗輯前賢名論切於修齊治平世世可行者分爲敬天誠身務學樹人取人用人養民教民循分凡九篇以爲三才之道備具古書脈陳喜新則所言必非道矣因目之曰陳言汝子柏授岢嵐州知州陸辭之日 世宗出陳言一册授之曰此汝父所述汝勉承遺志以副朕望

士箴一卷 耿願愚撰願愚館陶人是編見府志

省身輯要 張光宗撰光宗字裕後臨朐人諸生張新修序是書

云天地生萬物惟人爲貴嗟彼世人甘棄其身支離五常作獸作禽吾姪作書名曰輯要指迷會悟呼夢使覺惟我與子庶喻苦心見縣志

上達圖說 朱景雍撰景雍字南可號魯齋平陰人康熙間拔貢府志本傳云晚著上達圖說書座側以自警

伊洛淵源錄 郭翹楚撰翹楚有四書審問見經部四書類是編見縣志著述縣志本傳稱其潛心程朱之學卽物窮理因文見道精微明達不爲迂腐無用之言邑中數百年來堪稱通儒者翹楚一人而已

朱子精義 李閔中撰閔中字訥庵海豐人雍正丙午舉人官商城知縣是編見府志

懲愆日記說書偶存 李宜芳撰宜芳字梅村號在涓諸城人雍正庚戌進士官臨漳知縣二書見府志

芻言 李本瑛撰本瑛字仙門一字天池海陽人雍正間 恩貢縣志本傳云潛心宋儒諸書著述甚富大概發明先儒微言而於國家取士之制允詳將卒自署曰芻言

性理彙纂十三册 杜珏撰珏有孟子讀見經部四書類縣志云珏常節錄性理大全而更益以諸經史子集爲性理彙纂共十三册

墨水傳經錄 法坤宏撰坤宏有春秋取義測見經部春秋類是編見州志

圖書質疑通書釋義西銘集說 張沄撰沄有孝經釋義見經部

孝經類諸編見州志

張子淵源錄十卷 張鏐編鏐有周易晚學編見經部易類 四

庫存目提要曰是書以侯封張伯行所刻張子全書不無譌謬因仿近思淵源二錄之遺意擇張子粹言以程朱論定者彙爲

一集間有刪節皆從程朱所辨而張子晚年所未及改者也凡

西銘一卷正蒙二卷經學理窟二卷語諸錄文集一卷遺文一

卷拾遺文一卷遺事一卷弟子一卷

中庸九經衍義 張鏐撰見武定詩續鈔

一銘齋撰中錄三卷古訓集彙一卷 張鏐撰二書見縣志

臚香館講義 郝甯愚撰甯愚字希柴齊河人乾隆甲子舉人是

書見府志

困學編二卷 呂思問撰思問字退圃萊蕪人乾隆乙丑會副官

平度州學正營從孫奇逢學是書分上下二卷上卷五條講河

圖洛書先後天方位下卷四條曰聖經方位圖九傳方位圖古

本大學說中庸說有乾隆壬午刊本

性理彙義 李鏐撰鏐字仲修金鄉人乾隆癸酉舉人應官曹州

教授是書見縣志

二所亭檢鈔家語一卷附章目二卷 王縈緒撰縈緒有周易合

參見經部易類縈緒遺稿載是書序云戊戌初冬偶讀家語卒

業疑非孔壁真本除勦襲十三經外動爲不經之談如攝相色

喜父子同狴實商萍羊之類不可枚舉是皆戰國秦漢間人欺

世惑人之言而假爲家語者不辨黑白妄信而妄傳之湊砌成

書意以爲尊大聖人也不知其誣聖人也實甚然亦有經傳所

不見而道理精純辭旨深遠者蓋漢世去古未遠學士之傳聞

間或得聖賢之真也故不憚別擇之功專其心力竭其目力起

十月朔至長至日凡四易稿至後因公出洋渡嶺又研究五晝

夜再易稿而後定得五十章爲一卷顏曰二所亭檢鈔家語其

勦襲他書與不經者別錄章目爲二卷附於後

兩程子語錄摘讀未信編 王縈緒撰二書見採訪冊

困學測略 蔡柏撰柏字勁操曹縣人乾隆己卯舉人是書見縣

志

性理精言 趙世佑撰世佑有春秋輯要見經部春秋類是編見

府志

困勉齋私記四卷 閻循觀撰循觀有尙書讀記見經部書類

四庫存目提要曰此編乃其劄記之文初爲三書一日困勉齋

私記一日困勉齋記忘一日求心錄循觀歿後其同學韓夢周

刪除繁複定爲四卷總名之曰私記其學主於主敬克己時時

提醒此心刻苦自勵而誼語致戒於近名於河津之派爲近

養正編 辛大本撰大本字淵亭日照人乾隆戊子舉人官大捕

知縣是書見縣志

志道編二卷 王蔚青撰蔚青字化雨安邱人乾隆戊子副貢是

書見府志

理堂日記八卷 韓夢周撰夢周有易解見經部易類江藩宋學

淵源記稱夢周之學以存養省察致知三者爲入德之資是編皆其論學語分目凡八曰銜恤廬日記架村草堂日記客渠日記客燕日記來安日記客淮日記程符精舍日記客鄒日記末有附錄數頁開載名人遺事及婦女節行

懲昧日記省身日覽存省錄決疑猛起錄內省上下篇 徐星照撰星照字辰居在平人諸編見府志經籍府志本傳云星照學期實踐嘗用諸獨功立爲圖式以驗理欲起伏於宋儒自周張二程之學及元之魯齋明之敬軒陽明及在平三先生所著述皆手錄心維一以考亭爲折衷

一黃錄四卷 王紹興撰紹興有四書講義見經部四書類採訪冊載是書並載紹興自作引言云傳云多識前言往行以蓄其德夫蓄德之事初無涯涘聖賢所云非下士所能窺尋萬一然使人不甘自棄隨其所見觸目動心以收其放逸而廣其識量是亦蓄德之義也余謫陋無似每於前哲格言名論見輒不能釋去稍有會心必爲手錄單詞片牘積久盈帙因檢點篋中所藏反覆玩其旨趣並取諸經義略爲分類一曰崇德二曰執事三曰素位四曰游藝而總其名曰一黃錄

先正讀書訣一卷 周永年撰永年有歷城縣志見史部地理類是編有道光間王大准刊本旋燬同治丙寅其子鶴復重刊之會稽宗稷辰序云書中皆前賢緒論雖未編排類次殆未經纂成之本先輩所爲難以更動若讀者得鈔其一二條受益已多亦不必求全於著書之格式矣又朝邑閻敬銘序云原本乃先

生未成之書徵引時代前後不無參錯且有複出者余略爲釐正去其冗長者願世之讀是書者一留意焉據本書

忠說一卷 黃植撰植有周易淺說見經部易類採訪冊載是編云見其子守恪所作府君行略

性學纂言十一卷 于溥澤撰溥澤字皆霖一字芥林平度人乾隆甲午舉人官濱州訓導是書見鄉土志

養正編朱子近思錄 張光漢撰光漢有周易原本見經部易類二書見王文直公遺集

日省集 張光漢撰是書擬濂洛關閩之要首敦倫次主敬窮理次修身接物次辭受出處作於乾隆甲戌是時年二十三蓋資以自警勉其所不足也據王文直公遺集

間修條約 張光漢撰光漢與同里何琦以道相規切著此書據王文直公遺集

周子圖書疏 金鏞撰鏞有易緒見經部易類是書見府志開中錄益一卷松鶴書屋錄益一卷日知錄一卷松鶴書屋隨筆一卷記益一卷 夏永清撰永清號東溪濟甯人乾隆戊申歲貢諸編見州志

經史釋疑二卷 趙節撰節有禹貢今釋見經部書類採訪冊載是編云州志作讀史釋疑一卷誤書中論訓學樂學最詳

學習錄四卷 高如岱撰如岱有先民遺事記見史部傳記類州志載是書云凡百五十四條張永祿序稱其學以知止爲重以立本爲先以反躬力行爲急至於訂遺經之疑義論古人之行